



本草綱目
卷之五十七

ケ 5
61
54



武備志卷一百五十四

防風茅元儀輯


占度載

占七天圖

占星

茅子曰星家之言繁哉未可悉也然亦可得而言
三垣二十八宿其定列也五星之合散犯守陵歷
闔食彗孛飛流乃其變也歲熒填白辰又五星之
變也非常之形積殃而發乃其妖也吾首列蓋夫

占度載 占星




渾天之圖次列垣宿之圖而以其歌占附焉垣宿之星有占切於兵者則著之次以變次以妖而亦以其占切於兵者著之又次以星野星野已分見於度而復合而次之者便占也詳而簡庶幾近之矣

蓋天圖

渾天圖


三垣圖歌占

二十八宿圖歌占




武備志卷一百五十四 占度載占 占星

蓋天圖





天北極圖




武備志卷一百一十五 古度圖 中 古度圖

渾天北極圖




渾天南極圖

渾天南極圖




南極入地三十六度繞南極七十二度



度常隱而不見

經星有微有著凡萬有一千五百二十疏曰前漢誌云凡天文在圖籍昭昭可知者經星常宿中外官比百一十八名積數七百八十星皆有州國官官物類之象張衡靈憲曰星也者體生于地精成於天列居錯峙各有道屬中外之官常明者百有二十四可名者三十二十為星二千五百而海人之占未屬焉微官之數蓋萬有一千五百二十庶物靈蠢皆得孫命晉誌云武帝時太史令陳卓總甘石巫咸三家所著星圖大凡二百八十四官一

千四百六十四星以為定紀蓋靈憲所謂常明可名之星也唐誌云使者太相元言交州望極纒高二十餘度八月海中望老人星下列星燦然明大者甚衆古所未識乃渾天家以為常沒地中者也大率去南二十度以上之星則見蓋靈憲所謂海人之占未存者也微星不可勝窮故舉而當諸萬物之數曰萬有一千五百二十者也



紫微垣歌

中元北極紫薇宮，北極五星在其中。大帝之座第一，珠第三，宮中庶子居。第一號曰為太子，四為后宮。五夫樞，左右四星是四輔。天乙太乙當門，路左樞右柱，夾南門。兩面管衛，十五上宰，少尉兩相對。少宰上輔，次少輔，上衛少衛，次上丞。後門東邊太贊府門，東喚作上少丞，以次却向門前。數陰德門，裡兩鳥聚，尚書以次。其位五女史，柱史各一戶，御女四星，五天柱。大理兩黃陽德邊，勾陳尾指北。

武備志卷一百一十五 占星一

此係... 卷之...

極顛勾陳六星六甲前天皇獨在勾陳裡五帝內
座後門是華蓋并扛十六星扛作柄象華蓋形蓋
上連連九箇星名曰傳舍如連十垣外左右各六
珠右是內階左天廚階前八星明八穀廚下五箇
天棊宿天床六星在右樞內廚兩星右樞對文星
斗上半月形稀疎分明六箇星文昌之下日三師
太尊只向三公明天宰只向太尊邊太陰之守四
勢前一箇宰相太陰側更有三公相西邊即是玄
戈一星圓天理四星斗裡暗輔是近星著開淡北

斗之星七宿明第一主帝各樞精第二第三璇璣
是第四名權第五衡開陽搖光六七搖光光左三
天捨紅

中官紫微垣北極五星其末曰紐星為天之樞所
謂北辰最尊者也古者三公列象隨天西轉而紐
星不移易故曰居其所而衆星拱之第十星主月
太子也第十一星主日帝王也亦為太乙之座最赤
明者也第三星主星庶子也第四星為后宮第五
星為天樞北極五星明大則吉變動則憂中星不

代前志卷之百五占星一

明主不用事，前星不明，太子憂，左星不明，庶子憂。北極星芒，則中國無主，天下亂。北極星背不明，而太星獨居，天下易姓，人相食。客星出北極，傷帝王。暴驚宗室亂，一曰女主謀，彗孛出極，臣謀君，天下亂。黃氣入極，太子即位。

勾陳六星亦為護軍將軍之象也。明則吉，暗則人君惡之。

五帝肉座，五星黑，黼辰之象。明正則吉，變動則凶。隋志云：客星犯帝座，臣犯主。

尚書五星，黑大臣之象，小而明則吉，明大芒角則臣強，逼君暗則臣失職。

陰德二星黃，主周給賑恤行德惠，其二星分為一

一曰陰德，一曰陽德，此星不欲大明，不欲無明，若

大明則新君踐極也。

天床六星，黑天子寢息燕休之所也。星明正則吉，

傾側則人主不安。

天乙一星黑，司戰鬪，知人吉凶，欲小不明而有光，則

陰陽和，萬物成。大明則水旱不調。

太乙一星赤知風雨水旱兵饑疾疫明而有光則吉暗則凶赤氣出入天下太旱黑氣大雨等字干犯兵喪水旱俱起

傳舍九星黑賓客之館也為驛亭移入垣間則胡人來入中國

內階六星黑天地升降之階也明正則吉傾動則國憂

八穀八星一主稻二主黍三主大麥四主小麥五主大豆六主小豆七主粟八主麻以候歲之豐儉

其星明則八穀皆成暗則凶不熟

文昌六星赤如半月形一曰上將大將軍建威武

二曰次將尚書正左右三曰貴相太常理文緒四

曰司祿司中司隸賞功進德五曰司命司怪太史

主滅咎六曰司寇太理佐理寶其星明太齊同則

王者致太平其色黃潤光明則萬民安青黑微細

天下多憂動搖移徙太臣憂金火入守兵興

三公三星赤大明黃潤吉色赤有兵蒼白黑皆有

長又曰三公一星亡天下危二星亡天下亂三星

亡天下易主

相一星赤明大天子明忠臣用星亡輔相死否則
出走

太陽守一星赤主戒不虞設武備也明則人主威
服四方不明則主令不行移徙大臣誅動搖或不
見兵起

天棊五星赤天子之前驅所以禦難備非常也微
明而靜則吉明大動搖兵起不明亦為兵象一星
不具則兵起

北斗七星赤七政之樞機陰陽之本源也運乎中
天而別制四方建四時均五行定紀綱為號令之
主一至四為魁曰璇璣五至七為杓曰玉衡第一
星曰樞為正星主陽德天子之象又為天主百主
秦第一星曰璇為法星主陰刑女主之象又為地
主月主楚第二星曰璣為法令主禍害又為人主
次主梁第四星曰權為伐星主伐無道又為時主
承主吳第五星曰玉衡為殺星又為文昌為音主
中央助四方殺有罪主土主趙第六星曰開陽為


危星為律主天倉五穀主木主燕第七星曰搖光
為部星亦曰應星為呂主兵主金主齊其星均明
則國昌不明則有殃王者德合天地則北斗齊明
國祚昌七星俱暗則國祚亡北斗自暈及動搖皆
為兵起斗傍小星多則天下安星少則民怨上國
人離散

輔一星附於開陽所以佐斗成功也丞相之象欲
小而明則吉大而明則臣僨君政小而不明則臣
不任職大明與斗同則國兵暴起暗而遠斗則大

臣宰相死

天槍二星赤在北斗柄東天之武備所以禦難也
玄戈一星赤在招搖北與天槍相近居北斗端主
北夷天戈也微而小明則天下安明大則胡人恣
橫芒角大而動則四夷兵起暗則胡人退小動則
胡兵小起大動則胡兵大起玄戈色赤北方有兵
太尊一星黃在中台之北貴戚也平咸曰聖公之
象也居常則吉不見則凶今北守貴戚敗
官垣直而明天子將兵開則兵起

太薇垣圖



太薇垣歌

上元天庭太薇官昭昭列象在蒼穹端門只是門
 之中左右執法門西東門左皂衣一謁者以次郎
 是鳥三公三黑九卿公背傷五黑諸侯卿後行四
 箇門西主軒屏五帝內座居中正幸臣太子并從
 官烏列帝後從東定郎將虎賁居左右常陳郎位
 居其後常陳七星不相誤郎位陳東一十五兩面
 宮垣一星布左右執法是其數官外明堂布政官
 三箇靈臺候雲雨少微四星西南隅長垣雙雙微

占星一

西居北門西外接二台與垣相對無兵災

太微垣十星赤在翼北天子之南宮五帝之座十
二諸侯之府也又為天庭理法平辭監深授德列
宿受符諸神考節舒情稽疑東西兩列各五星南
垣中二星間曰端門東一星曰左執法廷尉之象
也門西一星曰右執法御史大夫之象也二執法
之西右掖門也東藩四星南第一星曰上相其北
東太陽門也第二星曰次相其北東中華門也第
三星曰次將其北東太陰門也第四星曰上將所

謂四輔也西藩四星第一星曰上將其北西太陽
門也第二星曰次將其北西中華門也第三星曰
次相其北西太陰門也第四星曰上相亦四輔也
東西藩有芒及動搖者諸侯凌天子也執法移則
刑罰尤急日月五星入太微軌道吉

五帝座五星赤中星為黃帝座天子動得天度止
得地意從容中道則太微五帝之座明以光黃帝
座不明人主當求賢以輔不然則奪勢張衡云五
帝同明而光澤則天子有道天下歸心小弱青黑

天子國亡動搖移徙則天子失位
內屏四星赤三執法明潤則君臣有禮不明則法
律舛謬五星中犯乘守下謀上一曰大臣有戮者
太子一星黑在帝座北帝儲也其星明潤則儲君
有德金火守犯不有廢黜必有篡逆
謁者一星黑主贊賓客辨疑惑明則四夷來賓不
見則外國不服移近內屏宜防姦客
郎將一星赤北武衛之官也主閱武備星明大芒
角將怒不可當變色或移徙不見則將有憂

常陳七星赤天子宿衛武虎賁之士星明則武備
修暗則兵弱

虎賁一星黑騎官也變色或動搖則兵車大動
明堂二星黑天子布政之官明則王道行暗則反
是

長垣四星黃主邊界城邑及胡夷疆域其星動搖
變色則邊臣不安

三台六星赤一曰天柱二曰天階三公之位也上
台起文昌下台抵太微上台為司命主壽中台為

武備志卷二星占 占度載 占 占星一

天市垣歌

下元一宮名天市兩扇垣墻二十一當門六個黑
市樓門左兩星是車肆兩個宗正四宗人宗星一
雙亦依次帛度兩星屠肆前候星還在帝座邊帝
座一星常光明四個微芒宦者星以次兩星名列
四斗斛帝前居其次斗是五星斛是四垣北九個
貫索星索口橫者七公成天紀恰是七公形數着
分明多兩星紀北三星名女床此座還依織女傍
三光之象無相侵二十八宿羅其陰水火木金并

與土以次別有五行吟

天市垣二十二星在房心東北西抵於氏東入於
斗國市也衆民交易之所東南一星曰宋次曰南
海燕東海徐吳越齊中山九河趙末曰魏西垣南
第一星曰韓次曰楚梁巴蜀秦周鄭晉河間末曰
河中色俱赤也主權衡主聚衆一曰天旗庭主斬
戮之事也市中星衆潤澤則歲實星稀則歲虛榮
惑守之戮不忠之臣彗星出爲徙市易都
帝座一星赤帝王之座帝座有五一座在紫微宮

一座在太微宮一座在太角一座在心中一座在天市垣其星光明潤澤則天子威德行微小凶大人當之巫咸曰帝座一星神農所居不見則大臣當其咎

市樓六星黑主市賈交易律度治令其星欲忽忽不明太明則賦歛重大暗則市吏不理不具則兵作於市

侯一星赤上伺陰陽輔弼臣也居常則吉移則主不安星亡則主失位

宗正一星赤司宗室之官也明大則帝宗強失色則宗正有事移徙則宗人憂客星守動則天子親屬有變

宗人四星赤帝宗之象也明大方正則族人有序動搖則宗族不和有變離移則族人離

宗星一星赤宗室之象也星明而相近則宗族相親宗枝有序暗則宗室衰弱客星守之宗人不和斗五星赤主平量星明則吉不明則五穀不登覆則歲熟仰則大饑星亡則歲饑斗斛不用

斛四星黑主度量分殊之數一曰天斛占與斗同
列肆二星黃主寶玉之貨移徙則列肆不安五星
主之市肆兵起

七公七星黑主執法別善惡之官也二公之象七
星皆明則輔相用星齊正則國法平差戾則獄多
悉細微不明則疑議不決連貫索則天下亂入河
中則米貴人相食

武備志卷一百五十四


武備志卷一百五十五

防風茅元儀

占度載


占

占



武備志卷一百五十五 占度載 防風茅元儀

角宿圖



天角宿歌

十一二度辰上鄭亮州壽星之次芒種昏中冬旦中

兩星南北正直看中有平道上天田總是黑星兩
 相連別有一鳥名進賢平道右畔獨淵然最上三
 星周鼎形角下天門左平星雙雙橫于庫樓上庫
 樓十星屈曲明樓中五柱十五星三三相連如鼎
 形其中四星別名衡南門外有兩星橫
 角宿二星赤主造化萬物布君威信為天關其門
 天門其內天庭故黃道經其中七曜之所行也其
 星明大則賢人用天下安微暗則王道失輔臣不

忠天下有兵動搖則人主憂移徙則人主出無芒
則天下亂不見則國易政日蝕右角國不寧月蝕
左角國中道斷金火犯有戰敵金守之太將持政
左角近天田為理主刑其南為太陽道五星犯之
為旱右角為將主兵其北為太陰道五星犯之為
水
平道一星黑平道之官也明正則吉動搖則法驚
有虞

天田二星黑主疆界耕稼之事金守之主兵火守

之主旱水守之主潦傷五穀水守之五穀豐登有
周鼎二星黑國之神器也或移徙則運祚不寧
天門二星黑主天之門朝聘賓客之所也明則四
方歸化不見則兵革起邪使生關梁不通

庫樓十星赤六大星為庫南四小星方斜為樓一
曰兵車之府也其中十五星三三而聚者柱也中
央四小星衡也主陳兵庫樓明大而芒角者兵起
車騎用庫中星衆實則天子兵強虛則諸侯講友
庫中無星則天下者反庫樓五柱皆動則將皆行

亢宿歌

九度辰上鄭分李州壽星之次夏至昏中小寒日中


四星恰似彎弓狀太角一星直上明折威七子亢
下橫太角左右攝提星三三相似如鼎形折威下
左頤頤星兩個斜安黃色熒頤西二星號陽門色
若頤頤直下存

亢宿四星赤日月之中道為天府天子之內朝總
理天下卿大夫之治曹猶尚書也亦為疏廟主疾
疫其星明大四海歸王輔臣納忠人無疾疫亢不
明則輔臣失職君令不行有內亂動搖疎拆或移

徙則人疾病垂芒則國政錯亂位直則兵起有戰
不戰則天下鼎沸而旱澇作矣秋分視亢不見五
穀俱傷金火犯兵起土犯五穀傷木守犯歲熟水
犯水災日月蝕君憂月暈兵起

大角一星赤天主座也明潤則吉芒角則強臣伏
誅芒之所指兵從之往吉失色青憂白喪黑疾皆
為天子當之石氏曰太角不明強臣凌主天子衰
弱金守之則兵起日蝕凶月犯水災
拆威七星黑執法之官也金火犯之夷狄犯邊將


有棄市者，攝提六星赤九卿大臣之象也。其形如鼎足，常東向。則天子吉，北向則天子失位，聖人受制。陽門二星黃主邊塞險要，動搖移徙則邊地有警。客星出夷犯邊。



二大星主五帝，劍二小星主三公。又天璣三星，大者四星赤，天子於此，天子於此，天子於此。

宿

圖



騎官二十七星

占度載 占 占星二

氏宿歌

十六度二度入卯未分豫州天竭
宮大火之次小暑昏中太寒且中

四星似斗側量米天乳氏上黑一星世人小識稱
無名一個招搖梗河上梗河橫列三星狀帝席三
星河之西亢池六星近攝提氏下眾星騎官出騎
官之眾二十七三三相連十欠一陣車氏下騎官
次騎官之下三車騎天輻兩星立陣旁將軍陣裏
振威霜

氏宿四星赤為天子休解之宿宮后妃之府也前
二大星主正妃後一小星主妾媵又為天根下二

尺為日月五星中道明則大臣后妃奉君不失節
移徙或不見則臣將謀內禍亂生矣動搖則徭役
不時日月蝕主大亂木犯之立后妃火犯之臣僭
上金犯拜將水犯百官憂月暈人不安彗孛犯暴
兵起一曰將有徭役之事氏先動也星欲其明大
則民無勞

招搖一星赤主矛楯及胡兵招搖宜與梗河棟星
北斗相直則胡常來受命中國不相直胡人叛若
離其處則兵發動搖則兵四行九州震星亡則兵

起芒角臣弒主胡兵大起惟欲黃白小明則天下
安靜也

梗河三星黑一名天鋒一曰天盾主矛鋒以備不
虞主胡兵又為喪事其星明不動則邊安天下寧
明大芒角動搖則邊夷兵起胡人為寇又曰星不
見則國有喪梗河亡不見三日國有謀兵不見七
日有大喪以其初不見日占
帝席三星黑天子宴樂之所也星不欲大明動搖
則君不安不見大臣失位

車騎三星黑主部陣行列車騎之士變色動搖車
騎行金火犯守為殃兵起客星守西羌降
騎官二十七星赤天子宿衛之騎士也主守禦防
不虞星眾則天下安稀則騎士叛微小不見則守
衛散出天下兵亂芒角動搖兵大起
騎陣將軍一星赤車騎將也星明則將盛微小則
將弱不能禁止士卒動搖則騎將出



房宿歌

六度卯宋分豫州
天蝎宮大火之次

四星直下主明堂鍵閉一黃斜向上鈞鈴兩箇近
 其傍罰有三星直鍵上兩咸夾罰似房狀房西一
 星號為日從星兩個房下出
 房四星赤為明堂天子布政之宮也亦為四輔其
 北上三星上相也次星次相也次三星次將相南
 下第四星上將也南二星為君位北二星為夫人
 位又為四表中間為天衢大道亦謂之大關黃道
 之所經也七政之所行也南二星間為陽環其南

武備志卷五 占度載 占 占星二

曰太陽道北二星間為陰道其北曰太陰道七曜由乎天街則天下和平由陽道則主旱喪由陰道則主兵水房星一曰天駟為天馬主車駕南星曰左驂次左服次右服次右驂亦曰天廐又主開閉為蓄藏之所由也房均明則王者明臣奉職天下太平兵革不興暗則王道不行臣亂政驂星欲明而不宜大明大於中二星則兵起星離折則人流星亡則兵大起日月蝕大臣專政彗孛犯之兵起火犯將相憂

鈞鈴二星赤主閉藏星近房則天下同心遠則天下不和王者絕後鈞鈴間有星及踈折則地動河清



鍵閉一星黃主管籥開閉之事星明則吉不明則凶暗則宮門不禁星亡則關梁不通

東西兩咸各四星赤所以房淫佚也明則吉暗則凶五星守之有陰謀火守之兵起

日一星赤主昭明德令月掩之臣謀君木守之王者得忠臣金火守犯之有憂

心

宿



圖

心宿歌
 六度卯上宋分豫州天蠲
 宮大火之次立春旦中

三星中央色最深東西太庶中帝星下有積卒共
 十二三三相聚心下是

心宿歌

六度卯上宋分豫州天蠲
宮大火之次立春旦中

三星中央色最深東西太庶中帝星下有積卒共
十二三三相聚心下是

心宿三星赤名大火天主正位也中星曰明堂為
 大辰天子之位前星為太子不明則太子不得位
 後星為庶子明則庶子繼心上四尺為日月五星
 之中道中心明則化道昌直則地動移徙不見
 國亡又曰心變色黑太人有憂直王失勢動則國
 有憂金火犯血光不止土木犯吉日月蝕兵喪並

占星二

尾宿歌

十九度寅上燕分幽州人馬官折木之次雨水日中大暑立秋昏中

九星如鈎蒼龍形下頭五個號龜星尾上天江西橫是尾東一個名傳說傳說東邊一魚子尾西一室是神宮所以列在后妃中

尾九星赤后妃之府北一丈為天之中道動則君臣不和天下亂就聚則大水月暈及水犯之則后妃死火犯之宮中內亂土犯吉客星犯大臣誅日月蝕主饑一日金火守之後官兵起

龜五星赤主贊神明定吉凶明則君臣和不明則

垂辰星不居漢中則川有易者一日星亡則赤地千里


大江四星赤大則天下水災微小如常則陰陽和明而動則水暴出參差不齊則天下馬多死中河而居則兵起如流沙死人如亂麻星不具則津梁不通芒角動搖則大水沒城郭

魚子一星白知雲雨之期其狀如雲如星忽忽不明明則陰陽和風雨時暗則魚多亡揮動大水也

箕

宿

圖



箕宿歌

十一度寅燕分幽州人馬官折木之欠驚蟄日中處暑昏中

四星形狀如箕箕下三星名不杵箕前下黑是
椽皮

箕四星赤謂之天津后宮后妃之府上六尺為日
月五星之道一曰天雞主入風凡日月五星宿在
箕壁翼軫風起又主口舌主蠻夷胡貊胡蠻夷將
動先表箕焉前一星為舌動則太風不出二日其
星明大則五穀熟君無讒聞疎暗則國亂四夷不
服動則蠻夷有使來就聚細微天下憂歲凶穀貴

南斗宿歌

二十四度又二十六度入五吳分磨
碣右星紀之次春分穀雨日酉白露
秋分
昏中

六星形狀如北指魁上建星三相對天弁建上三
復三九下圓安十四星雖然名鼈貫索形天雞建
昔雙黑星天蓋柄前八黃精狗國四方雞下生天
淵十星鼈東邊更有兩狗斗魁前農家丈人斗下
眠天淵十黃狗色玄

斗六星赤天廟也亦曰天機五星貫中日月正道
為丞相太宰之位其魁第一星主吳第二星主會

稽第三星主丹陽第四星主豫章第五星主廬江
第六星主九江六星欲其均明明盛則天下安寧
君臣一心爵祿不僭風雨順時人君壽康五穀蕃
熟暗小則君臣失位廢宰臣天下不安芒角動在
則忠臣失勢天下愁怨兵起大小不齊則上下乖
違移徙大臣逐變色失常則宰相憂月在斗主變
易國易相日月五星逆入斗天下流蕩李犯之兵
起
建六星赤亦曰天旗明則大臣忠王者得天心不

式青... 占度... 占星二

明天子失道，參差不齊，天下亂動，挫則民勞。一星不具，人主憂之。月暈蛟龍見，牛馬疫，月蝕及五星犯守，大臣相譖，關梁不通，有大水。

天弁九星赤，市官之長也。明大則市中物盛，不明則天下空虛，五穀不成，五星彗孛犯守之，糴貴兵起。

天狗二星赤，主守禦，不居常處，為大災。戒在守禦之臣，火舍狗旱災，羣狗嗥，天下驚。

天雞一星黑，主候時也。星動移失常，則多大水。金

火守之兵大起，天下旱，土犯之民流亡。

狗國四星黑，主三韓、鮮卑、烏桓、獫狁之屬也。星明則天下多盜賊，邊夷寇作。金火犯守，外夷有變。太白逆守，其國亂。太白順行，天子出兵伐鮮卑。客星

犯之，有大兵守之外夷之王來入中國。

農丈人一星黑，主稼穡。星明，天下農稔；暗饑。


天淵十星黃，一曰天海主灌溉，火守之大旱。水守

乏大水，一曰主海中魚鼈。五星守天淵，海水溢，江

河決，大魚出。

武備志卷五十五 占度載 占 占星二

龍十四星主水族魚虫其星微而不明則雨水時
 不居漢中則陰陽不和天下水旱一曰有易川星
 不具有白衣之會以不具日占國五星守之有白
 衣會火入龍天下大水去之則旱
 天籥八星黃主開閉關鎖明吉不明則管籥無禁
 客星孛孛守犯天下關門閉塞道路不通



牛宿歌

七度丑磨碯石星紀吳越之次立夏且中寒露昏中

六星近在河岸頭頭上雖然有個角腹下從來欠一脚牛下九黑是天由田下三三九坎連牛上直建三河鼓鼓上三星號織女左旗右旗各九星河鼓兩畔左邊明更有四黃名天桴羅壇三鳥牛東居漸臺四星似口形輦道東側連五丁輦道漸臺在河旄欲得見時近織女

牛六星赤天之關梁主犧牲之事日月五星常貫之為中道上二星主道路次二星主關梁次二星

主南夷一曰其上二星一曰積路一曰積火主道路中一大星主牛主關梁次下三星主南越星明大則王道昌天下安不明則五穀不成牛多災星亡則牛盡死其星曲則糴貴一曰星明大則關梁通牛貴怒則馬貴細則牛賤中移上移下牛多死小星亡則牛多疫月暈損犢命火犯之兵災木土犯之吉
天田九星黑主天子畿內之田其占與角宿之天田同

九坎九星赤主溝渠星小而明則陰陽和川澤通
流明盛則有水災夷狄侵邊不明則泉不通
河鼓三星赤主軍鼓鐵鉞一曰三武主天子三將
軍中央大星爲大將軍左星爲左將軍右星爲右
將軍所以備關梁設險阻以拒難也正直明大光
潤將軍吉動移差度亂兵起芒角則將旗猛動搖
則兵大出直則將有功曲則將失律怒則馬貴月
犯之將死無兵兵起土守之大將賜土受封金水
守之兵起火犯守軍絕糧將戰死木犯將有罪

左旗右旗各九星左黑右赤主設備知敵謀星明
潤則將軍吉動搖則兵起戾亂相凌兵起不明則
將軍憂石氏曰旗鼓揚而舒者大將出月五星犯
之兵起將憂孛孛守犯者軍敗將死
織女三皇主經緯布帛絲綿之事又主瓜果主收
藏珍寶以製衣裳文繡也三星俱明天下和平布
帛賤不明反是暗而微則天下女工廢不見兵起
天枵四星黃主漏刻星不動搖漏刻失時動搖軍
鼓用移近河鼓亦主軍鼓用也

武備志卷五十五

占度載 占 占星

三十一

圖



女

災 羅偃三星黑主堤塘亦為拒馬星明大則大水為

武備志卷五十五

三十一

女宿歌

十度二度入于齊分青州寶瓶宮
玄枵之次小滿旦中霜降昏中

四星如箕主嫁娶十二諸國在下陳先從越國向
東論東西兩周次三秦雍州南下雙鴈門代地又
向西晉伸韓魏各一皆北輪楚之一國魏西屯楚
之南畔獨燕魏燕西一郡是齊隣齊北兩邑平原
君欲知鄭在越下存十六黃星細區分五箇瑠珠
女上星敗瓜珠上瓠瓜生兩個各五敗瓠瓜天津
九個彈弓形兩星入牛河中橫四個奚仲天津上
七個仲側扶相星

女宿四星赤在九尺為日月中道天之少府也謂
之須女者賤妾之稱婦職之卑者也主布帛裁制
嫁娶星明則天下豐女工昌府庫充小暗則國藏
虛女土失移徙則後妃廢婦女受殃產死者多日
月蝕國憂木火立火犯女喪金犯嬪妃謀主孛
犯損蠶月暈婦人災水守之萬物不成火守之布
帛貴

十一國合十六星黃在九坎東布列九坎東南一
星曰齊齊北二星曰趙趙北一星曰鄭鄭北一星

曰越越東二星曰周周東南北列一星曰秦秦南
 二星曰代代西一星曰晉晉北一星曰韓韓北一
 星曰魏魏西一星曰楚楚南一星曰燕其星有變
 動或失常或星守犯各以其國言災
 天津九星赤芒四瀆津梁以通四方明正則吉明
 而動則兵起如流沙死人如亂麻參差不齊則馬
 貴不明亦為兵起一星不備關梁不通三星不備
 天下覆陷移徙江河決百川溢石氏曰天津覆決
 水滔天星亡水災河溢水賊稱王又曰天津張天


下安火守天旱木亂有易王立王月五星入犯乘
 守之皆為津梁不通黑氣入大水
 彗伸四星黃甫正也其星變動失常則車駕不安
 金火犯之兵起

占度載 占星二 二日

虛

宿

圖



虛宿歌

九度子齊分青州寶瓶宮亥枵之次立夏昏中


上下各一，如連珠，命祿危非，虛上星，虛危之下，哭泣星，哭泣雙雙，下壘城，天壘團團，十三星，敗白四星，城下橫，四西兩下，璃瑜明。

虛宿二星赤冢竿之象也，主北方邑居廟堂祭祀之事，又主風雲死喪哭泣，下九尺為日月五星之中道，明靜則天下安，動搖則死喪哭泣不明，則天下旱日月蝕，兵起，流星犯，賊亂宗廟，五星犯之皆主有災。

武備志卷三十三 占度載 占星二 二日

司危二星司非二星俱黑主天子以下至千萬人
 壽命爵祿安危微細不明則無咎大明則天下人
 災
 天壘城十三星黃主北夷鬼方丁零匈奴之類所
 以候其興敗存亡者也
 敗曰四星赤溫溫然微而不明則天子吉人民安
 明大動搖則人主憂疾人愁苦多死喪

危 宿 圖



武備志卷五十五 占度載 占 占星二

危宿歌

十六度十三度入丑雙魚宮衛分弁，州陳警之次小專昏中芒種日中

三星不直，舊先如危上五黑號入星，人呼三四并日，形人上七烏號，軍府府上天鈞九黃精鈞下五鵝字，造父危下四星號墳墓，墓下四星斜，虛梁十個，天錢梁下黃墓旁兩星能蓋屋，身着黑衣危下宿。

危三星赤主天府，一曰天市，一曰架屋，甘氏曰為天市廟堂，下九尺為日月五星中道，主架屋受藏風，南墓墳祠禮亦為冢，罕之官主天下，死喪哭泣。

之事明則天下安，動則有土工，天子作宮室，一云危動而不明，土工兵革起，星亡不見則山陵毀敗，日蝕有大喪，天下改服，月在危有變主，死喪哭泣，水守之主更造宮室，人苦於工役，火守之兵起，地震土守之工役煩興，水守之則下謀，上金守之則饑饉兵起。


墳墓四星赤主山陵喪葬之事，不欲其明明則天下多死喪，失常則山陵毀，五星守犯之國有死喪，虛梁四星黃主國陵寢鬼神之事，非人所處，故曰

虛染金火守犯兵災大起
 杵三星曰四星皆黑主春糧杵星正直下曰吉不
 相當則軍糧絕不直民饑不具人棄金甌聚則豐
 疎則儉曰四星仰則歲豐傾覆則歉餘占同杵
 車府七星黑車輿之府賓客之館也動則兵車大
 動
 造父五星黑主御馬之官二曰伯樂亡則馬大貴
 明則吉移徙兵起馬大貴

室

宿

圖



武備志卷一百一十五 占度載 占 占星二 二十七

室宿歌

十七度亥上在衛并州管城之次夏至且中大雪昏中

兩星上有離宮出，遶室三雙有，六星下頭六個雷，
電刑疊壁障，次十一星十二兩頭大如井，障下分
亦羽林軍四十五卒，二為羣軍，西四星多難論，子
細歷歷看，區分三粒黃金名，鈇鉞一顆珍珠落，北
門門東八魁九個子，門西一宿天網是電旁，兩黑
上公吏騰蛇，室上二十二

營室一星赤，甘氏云為太廟天子之宮也，石氏謂
之无宮，一曰清廟，又為軍糧之府，及土土事其下

九尺為日月五星中道上，一星為天子宮，下一星
為太廟，故置羽林以衛之，將有土工之事，占於營
室，明止則國昌，不明則鬼神不享，祠祀國多，疾疫
動則有土工，事芒角則有兵疫，星亡則輔臣死，月
變於室，大臣為亂，將死，黜土木守犯之，土工興
離宮，六星赤，天子之列宮也，亦隱藏休息遊幸之
所，金火守之，兵起。

羽林軍四十五星赤，主天軍翊衛之象也，明而象
實則國安，昧不明則兵士出不具，則兵大出不見


則天下兵盡出，郊萌曰羽林動搖則兵起，不出六
十日車騎發，金火水入守，兵起，月入羽林則兵大
起。
北落師門一星赤主候兵非常明則大將武兵精，
天下安細微則兵羸將弱武備不修亡不見天下
有兵大將出國不寧芒角動搖皆兵起，金火守之
有兵災一曰有星守之虜入塞。
壘壁陣十二星赤主天子軍營明則國安失常則
兵起動搖軍不安移徙將死星不具則兵悉出不

下亂五星入天軍皆為兵起，金火水尤甚也。
天綱一星赤天子弋獵之所也，金火孛犯守之兵
起。
鐵鉞三星黃主行誅斬殺其星不欲明動動則皆
為鐵鉞用移徙失常兵起。
八魁九星黑捕禽獸之官也，金火入守乘犯之兵
大起。
騰蛇二十星赤為魚鱉水虫之長徙而南則兵
起徙而北則太木星微則國安明則不寧。

式精... 占星二

壁

宿



圖

天圖一星赤天于十星之類也
 一星正星入天龍...

壁宿歌

乃度夏上衛分并州雙魚官阪
 訾之次小暑旦中冬在昏中

兩星下頭是霹靂霹靂五星橫看行雲雨次
 四方壁上天廡十圓黃鐵鎗五星羽林傍土公兩
 星壁上藏

東壁二星赤下九尺為天之中道主文章圖書之
 祕府也亦主土工明則圖書集道術行小人退君
 子進失色大小不同天子重武臣圖書隱星動有
 土工興離徙就聚為田宅事日月蝕損賢臣五星
 孛犯兵起

占度部 占星二

雲雨四星黑主雨澤明則雨水火守之旱潦

武備志卷一百五十五


武備志卷一百五十六

防風茅元儀輯

占度載


占九

占星三



奎宿

圖



奎宿歌

十六度半二度入戌徐魯分白羊宮降婁之次木暑日中小暑昏中

腰細頭尖似破鞋二十六星遶鞋生外屏七星奎
 下橫屏外七宿天淵明司空左畔土之精奎上
 星軍南門河中一個閣道形附路一星道傍明五
 個吐花王良星良星近上一策停
 奎十六星赤一名天庫亦曰封豕天子之武庫也
 主兵所以禁暴橫又主溝瀆其下九尺為日月五
 星之中道西南大星所謂天豕目亦曰大將奎大
 星欲其明明則天下安芒角動搃國必用兵或曰

有赦奎中，小星明則天下大水災，將有陂池江湖之事，皆占於奎星。動則有溝瀆之事，以日占國，日月蝕五星犯，皆有凶。

外屏，七星黑主障蔽臭穢，以蔽天溷也。其星不見，或移徙，民不安。

天溷，七星黑天廁也。其星不見，人不安，多疾病，移徙亦然。

土司空，一星赤主水土之事。知歲禍福，明大黃潤則天下安，或亡不見，國有喪，芒角則土工興，微暗

有旱災。天大志，客星也。不

軍南門，一星黑主兵之出入。動搖則軍行，不見則天下兵亂，金火犯守軍憂。

閣道，六星赤主天子遊幸別宮之道。一曰王良旗，一曰紫宮，旂行列正直而明，人主吉，天下安，不具

則御道不通，動搖則宮掖之內兵起，火守之臣謀主中有伏兵。

附路，一星赤，別道也。一曰大僕，明則人主昌，亡不見，道路塞，鄰萌曰附路正馬車騎滿野，正馬謂移

居駟馬之前也主天下大亂期十月五星犯之大
僕以罪誅一曰馬多死

王良五星赤天子奉車御官也四星謂之天駟旁
一星曰王良為天馬又主津梁一曰天驕主御風
雨水道四馬參差不列則天下安居四馬齊行王
良舉策則天下不安天子自臨兵石氏曰王良星
移則有兵不具則津梁不通王良策馬車騎滿野
天下大亂兵起不出二年移近閭道則有江河之
變王良與馬齊則天下大急客星守之橋不通金


久守皆兵憂

策一星黑主天子僕御若移在馬後是為策馬則
有伏兵動搖天子出

婁

宿

圖



婁宿歌

十一度戌魯分徐州白羊宮降婁之次立秋中寒昏中

三星不勻近一頭右更左更烏夾婁天倉六個婁

下頭天瘦三星倉東脚婁上十將軍侯

婁宿三星赤為天獄主死牧犧牲以給郊祀又主

興兵聚眾將有聚眾之事占之於婁其下九尺為

日月五星之中道明則郊祀得禮天子有福天下

平暗小失色則反是動搖則聚眾直則有急兵就

聚國大亂君出走

左更五星黑主山林澤藪之事右更五星黑主養

牛馬之屬左更明潤吉芒角山間有盜起右更明潤牲畜蕃暗則牛馬多疫死


天倉六星赤主倉廩官也明大歲熟相近就聚穀積多相遠穀虛耗暗小歉

天庾三星黑積穀之屋場圃之所也其占與天倉同

天太將軍十下星赤中央太星太將也其左右星之旗其餘小星吏士也欲其安靜而明則天下兵不興太將軍不明若動搖則天下兵起海中占曰

太將軍搖動則天子自將兵左右旗芒角所指者敗一曰明則將武兵精暗小則兵羸將弱太入太將吉火金土入守兵起彗孛出太將反犯之將軍死敗散也

胃宿



圖

胃宿歌

十四度入酉趙分冀州金斗官大梁之次

三星鼎足河之次天廩胃東斜四星天囷十三如
 乙形河中八星名太陵陵北九個天船名陵中積
 尸一個星積水船中一黑星
 胃宿三星赤天之廚藏五穀之倉也又主討捕誅
 殺之事南下九尺為日月五星中道明則四時和
 倉庫盈天下豐暗小不明則上下失位倉廩空就
 聚則米貴離徙則倉粟耗搖動則有轉輸之事星
 亡則兵起芒角亦主兵起旁星聚則粟聚少則粟

不聚五星犯日月蝕亭侵俱有災也

天廩四星赤主積蓄黍稷以供祭祀其星齊明則年豐國足民安小而不明歲惡國虛民饑臣受君祿而不修其職變色則廩粟腐

天困十三星赤主給御糧也欲明而衆實則庫藏滿不明及中星稀則庫藏空不見則倉庫皆竭一曰星明而黃則歲豐五星入天困天下兵起國儲盡發金火守之災凶


大陵八星赤主陵墓死喪不欲明明而大或中星

多則天下多死喪兵起其中小星衆則天下粟貴就聚死人如麻

積尸一星黑一曰積廩主死喪明則天下多暴死人死如山若不見或暗皆吉

大船九星赤主舟楫濟渡亦主水旱均明天下安不居漢中津河不通水泛溢積水在天船中主候水災

昴宿圖



昴宿歌 十上十度酉趙分冀州金牛宮大
采之次處暑日中立春昏中
 七星一聚實不少，河西月東各一星。河下五黃不
 陰，精陰下六個，芻藁營營南十六天苑，形河裏六
 星名，卷舌舌中黑點名天說，礪石舌旁斜四寸
 昴宿七星赤，其下九尺為日月五星中道，天之耳
 目也。主獄事，主口舌奏對，又為旄頭胡星。昴大星
 欲其明明，則獄訟平，國無佞臣，天下安。暗則刑罰
 濫，佞臣得志，星動則大臣下獄，聚明而數動，則胡
 兵大起。其大星動，又躍跳，而他星皆不動，則胡欲


復邊期一年二星不見為兵為喪六星明與大星
等天下大水七星皆明而黃則兵大起一日大火
盡動若跳躍者胡兵大起

卷舌六星赤土口舌以知讒佞曲而靜賢人用事
直而動天下多口舌明大則利口用事旁星繁則
兵起死人如山若不居漢中則天下妄言月犯卷
舌天下多死喪五星入犯乘守國有佞臣天下多
死喪彗孛入人主信讒殺忠良
礪石四星黑主磨礪鋒刃明則兵起如常則吉全

火及客星守之兵動

芻藁六星黑主積草以供牛馬之食一曰天積明
中星多則歲豐穰不明及中星稀則歲不登庫藏
耗不見則牛馬暴死

畢宿圖



畢宿歌

十七度七度八申晉分益州陰陽宮實沈之次白露日中雨水昏中

恰似瓜叉八星出附耳畢股一星光天街兩星畢背旁天節耳下八鳥幢畢上橫列六諸王王下四個天高星節下團圓九州城畢口斜對五車口車有三柱任縱橫車中三個天潢精潢畔咸池三黑星天關一星車脚邊參旗九個參車前旗下直建九游連游下十二鳥天園畢八星赤主邊兵主武獵其大星曰天高三曰邊兵主四夷之尉也明大則四夷來貢天下安失色

則邊兵亂一星亡為兵喪動搖邊兵起有讒臣離
徙天下微亂就聚法令酷甘氏曰畢主街巷陰雨
天之雨師也故明而移動則霖潦及街擁塞又曰
畢主山河以南中國也中國於四海內則在東南
為陽昴畢之間謂之天街陰陽兩界之所分畢為
陽國昴為陰國其北上七尺為日月五星之中道
也日月蝕在畢邊將凶木犯有軍功金火守之胡
夷兵起
附耳一星赤主聽得失伺姦邪察不祥附耳搖動

則兵大動附耳人畢口定則天下有大兵
天街一星赤主國界街南為華夏北為夷狄其星
明正吉暗則兵起五星留止天街中兵起
天節八星在附耳南主持節奉使明則使忠直不
子令行不明則奉使失職不見則四方不奉王命
九州城九星黑主重譯者也一星不見一州有凶
三星以上不見大亂以十一月候之金火守之九
州兵起
諸主六星黑主藩屏王室察諸侯存亡明則諸侯

奉法天下安不明臣有叛者宗社傾危四方兵起
天關一星赤在五車東南日月之所行天關也主
關塞星明大則天下平星亡大兵起芒角兵起移
徙與五車合國門晝閉太將披甲日月五星不由
天關行有不朝之國有叛臣五星守天關太臣有
不道者

五車五星赤三柱九星赤合十有四星五車天子
兵車舍也西北曰天庫主太白秦也次東北星曰
天獄主辰星趙也次東南星曰天倉主歲星魯衛

也中央星曰司空主鎮星楚也西南星曰卿星主
火魏也五星有變各以其所主而占之其星動搖
變色則國有兵五星均明柱皆具則天下倉庫實
不具其國絕食兵起五車三柱有變各以其國占
之三柱出外兵出柱入兵入出一月米貴三倍饑
一年出兩月米貴六倍饑二年柱出不與天倉相
近米穀運出千里柱倒立尤甚火入守天下旱金
入守兵起水入月暈不邇有赦


太潢五星主河梁濟渡之事其星明主津梁通民

無災不見則津梁不通

參旗九星赤主弓弩之物以俟變禦難不欲大明
明大則有白衣之會兵起微小而直則天下息兵
明曲如張弓則天下兵大起九星不見天下為兵
而赦

九旂九星黑一曰天旂二曰天弓主司弓弩之
候變禦難以滅不虞明靜則九州之牧得人光明
盛大或搖動則兵起

圖



天旂九星黑一曰天旂二曰天弓主司弓弩之

候變禦難以滅不虞明靜則九州之牧得人光明

前宿歌

一、度申晉分益州
陰陽官實決之欠

三星相近，作參並。前上坐旗，直指天尊卑之位。九相連，司怪曲立坐旗邊。四鷗大近，并鉞前。

鶩三星赤，在參之右角。如鼎足形，為三軍之候。行軍之藏府，主葆旅。收斂萬物，明則軍儲於將，得勢動而明。盜賊羣行，葆旅起動移。將有逐者，移而近參。左肩則臣謀君，近右肩則大臣伐主。金火守之，國易政兵起，災生日蝕。臣不忠，月蝕君害。臣五星守犯，皆主兵災。

參 七參四脚中藏

宿 圖



參宿歌

十度申為晉分陰陽宮寶沈之次

總有七星，前相侵，兩肩雙足三為心，伐有三星足，裏深玉井，四星右足，陰屏星兩扇井，南襟軍井，四星屏上，吟左足，下四天，廁臨廁下，一物天尿沉，參七星，赤一曰參，伐一曰天市，一曰天鉞，主斬刈，又為天獄，主殺伐，又主權衡，所以平理也，又主邊城九譯，故不欲其動也，參為白虎之體，其中橫列三將也，東北曰左肩主，左將，西北曰右肩主，右將，東南曰左足主，後將，西南曰右足主，偏將，故占參

以應七將，其中央三小星曰伐天之都尉也，主討鮮卑戎夷之國，故不欲明也，七星皆主邊兵，七星皆明，則天下兵精，暗小則將弱，芒角大張，赤輝旁射，則三軍駭動，天子自將出征，動搖則邊有急，無光則國欲改君，參差不常，則人臣不忠而勤，大將執權，國易政，就聚則大將誅微，則天下兵不精，不具國亡地，伐星明與參等，大臣謀亂，兵起參左足入玉井，中兵大起，秦地大水有喪，山石為怪，足若突出，玉井虎狼暴害人，金火來守，則國易政，兵起

災生日月蝕則田荒米貴土星犯災甚木守兵疫
甘氏曰參為忠良孝謹之子明大則臣忠子孝移
動殺忠臣守常則吉

玉井四星赤主水泉以給厨用微小如常陰陽和
五穀成明大動搖則太水井遠參虎為害

軍井四星黑軍營之井也以給軍饗一曰天井星
動搖則有大水月入軍井兵起五星入太水

屏二星赤所以障閉天廁主疾病星不明天子寢
疾不具則天下人疫五星守之臣謀君火守民疾

疫客星入人多死

天廁四星赤主天下疾病色黃而明則吉不見人
多病亡不明天子有病天下人疫五星守之天下
大饑人相食

天屎一星赤主糞穢色黃則吉青黑白皆為憂明
則萬物有命星微則萬物不昌不見則人多疾病
常以春分日候之其星黃潤而明人無病青黑國
饑人病多死

有_レ個_レ老人_レ南_レ極_レ中_レ春_レ秋_レ出_レ來_レ壽_レ無_レ窮

井_レ八_レ星_レ赤_レ在_レ河_レ中_レ主_レ泉_レ水_レ為_レ天_レ之_レ南_レ門_レ日_レ月_レ五_レ星_レ貫_レ之_レ為_レ中_レ道_レ石_レ氏_レ謂_レ之_レ東_レ井_レ亦_レ曰_レ天_レ井_レ主_レ諸_レ侯_レ帝_レ威_レ三_レ公_レ之_レ位_レ天_レ之_レ亭_レ候_レ水_レ衡_レ法_レ令_レ之_レ所_レ取_レ也_レ三_レ光_レ行_レ不_レ由_レ其_レ中_レ天_レ下_レ無_レ道_レ雖_レ經_レ之_レ不_レ得_レ留_レ之_レ王_レ者_レ用_レ法_レ平_レ則_レ井_レ明_レ而_レ端_レ暗_レ小_レ不_レ正_レ則_レ國_レ弱_レ政_レ亂_レ明_レ則_レ封_レ侯_レ建_レ國_レ動_レ搖_レ失_レ色_レ則_レ諸_レ侯_レ廢_レ戚_レ戮_レ子_レ又_レ帝_レ師_レ殃_レ移_レ徙_レ則_レ國_レ亂_レ君_レ憂_レ洪_レ水_レ為_レ災_レ月_レ宿_レ井_レ有_レ風_レ雨_レ日_レ月_レ蝕_レ五_レ星_レ逆_レ犯_レ大_レ臣_レ謀_レ亂_レ兵_レ起_レ大_レ臣_レ誅

鉞_レ下_レ星_レ主_レ伺_レ奢_レ淫_レ而_レ斬_レ之_レ不_レ欲_レ大_レ明_レ大_レ而_レ明_レ則_レ斧_レ鉞_レ用_レ兵_レ起_レ明_レ大_レ與_レ井_レ齊_レ或_レ搖_レ動_レ則_レ天_レ子_レ用_レ鉞_レ於_レ大_レ臣_レ芒_レ角_レ則_レ大_レ臣_レ多_レ死_レ於_レ法_レ者_レ五_レ星_レ犯_レ守_レ大_レ臣_レ誅_レ同_レ犯_レ大_レ臣_レ誅_レ斧_レ鉞_レ用_レ

南_レ河_レ北_レ河_レ各_レ二_レ星_レ赤_レ一_レ曰_レ天_レ高_レ天_レ之_レ關_レ門_レ主_レ關_レ梁_レ南_レ河_レ曰_レ南_レ戍_レ一_レ曰_レ南_レ宮_レ一_レ曰_レ陽_レ門_レ一_レ曰_レ越_レ門_レ一_レ曰_レ權_レ星_レ主_レ火_レ北_レ河_レ曰_レ北_レ戍_レ一_レ曰_レ北_レ宮_レ一_レ曰_レ陰_レ門_レ一_レ曰_レ胡_レ門_レ一_レ曰_レ衡_レ星_レ主_レ水_レ兩_レ戍_レ之_レ間_レ三_レ光_レ之_レ常_レ道_レ也_レ七_レ懼_レ之_レ所_レ當_レ行_レ行_レ而_レ過_レ之_レ則_レ吉_レ不_レ得_レ久_レ留_レ留_レ久_レ則_レ殃

武備志卷之五
咎生焉兩河星明則天下安不明則四夷交侵動搖則邊兵大起星不見有大水道不通南星不具則南道不通北星不具則北道不通月五星守犯皆爲兵起也

五諸侯五星一曰帝師二曰帝友三曰三公四曰博士五曰太史又曰五大夫此五者常爲帝定疑議其星欲其均明明大潤澤則天下治王者吉輔臣忠若差戾不明則忠良屈折上下猜忌春秋元命苞曰五諸侯生角則禍從中起不見則貴人

詳者月五星犯案皆爲兵起

積水一星黑一曰聚水主聚美水以給天子酒食也又曰主候水災明則天下安宴享禮行不明則五穀不登徭役繁明大動搖則江河溢津梁不通積薪一星黑主聚薪以給享祀供苞廚也明則五穀熟享祀修庖廚足不見天下旱歲不登石氏曰積水積薪相去五尺以內則天下平五穀豐相去一尺以外則天下饑人流亡水府四星黑水官也占與水位同

水位四星赤主水衡又主溢流也石氏曰衡平象
永水平而後流其星微小如常則天下安不然則
大水橫流五穀傷水位上近北河則國沒爲河以
變白占國

四瀆四星黑江河淮濟之精也其星明大動搖則
水泛溢

軍市十一星赤如錢狀天軍貿易之市市中小星
衆則軍食足少則軍乏糧金火守之軍大饑

野雞一星黑主知變怪又曰野雞將也主屯營軍

法之號令也芒角動搖爲兵災移出市諸侯兵起
闕丘二星黑天子之雙闕也動搖則天子闕間有
變金火守兵戰闕下

狼一星赤爲野將主殺掠主兵火色欲黃白無光
不宜動搖不動搖則天下安寧色赤而光芒四張
動搖則天下亂兵火起盜賊橫行石氏曰狼星動
搖則胡兵大起五星犯守兵車滿野胡侵中國
弧矢九星赤天弓也外一星矢也主備盜賊故常
注矢以向狼若弧不張矢不直則天下盜賊橫行

鬼宿歌

未二度秦分雍州
巨蟹，百鷄首，次

四星冊方似木櫃中央白者積尸氣鬼上四星是
燿星天狗七星鬼下是外厨六間柳星次天社六
個弧東倚社東一宿是天紀

按天源發微云鬼星天目也主視明察奸謀明則
五穀成又云主死喪山堂考索云東井與鬼鷄首
在東秦永州二度至西南星去極九十六度在黃
道外

鬼四星赤主視明察奸謀天目也為日月五星中

道一曰天廟主祠事又主疾病死亡東北星主積
馬東南星主積兵西南星主積布帛西北星主積
金玉以上四星俱各隨其變占之中央一星名積
尸氣白如粉絮如雲非雲如星非星見氣而已只
欲其忽忽不明則安明則兵起大臣謀主下民流
亡搖動失色則疾病鬼哭人荒鬼之外四星明太
穀成不明人散動而光則上賦歛重徭役繁星聚
人愁政令急

燿四星黑主烽火備警急不欲明又不欲亡小而

不明則天下安明而大則邊庭有急動搖則外兵
大入亡不見則戒在守候之臣

外廚六星黑天之外廚也占與天廚同

天狗七星黑中以守賊也移徙則兵起金火犯之

人相食

天社六星黑王社神也其星明直則社稷安動搖

失常則下謀上

馬東南星主其共西南星主其共中央


柳

宿

圖

酒旌

柳



武備志卷一百一十五

三十四

柳宿歌

十四度四度入午周分雍州獅子
官鶉火之次清明昏中霜降旦中

八星曲頭垂似柳近上三星號為酒享宴大酺五
星守

柳八星赤為朱雀嚙一曰天相一曰天庫天之廚
也上御膳飲食倉庫酒醋之位又主雷雨主工匠
其北六尺為日月五星中道明大則人豐酒食搖
動則木人酒死失色則天下不安人饑流亡不過
三年直則天下謀伐其主就聚則兵滿野胃宿柳
而霧多陰雨上舍柳不旱即水逆行入之地震山

崩金犯守兵起水火犯旱饑

占度載 占星

軒轅十七星赤一曰東陵一曰權星主雷雨之神
又爲黃帝之神黃龍之體又爲后宮后妃之舍典
六宮之內政以弼太微其北大星女后也南小星
御女也左一星少民少后之族右一星大民太后
之族次北一星夫人也屏也上將也又北一星妃
也次將也其次諸星皆次諸妃之屬也陰陽交合
盛爲雷激爲電和爲雨怒爲風亂爲霧疑爲霜散
爲露變爲雲立爲霓離爲背玦分爲抱珥此十四
變皆軒轅主之欲小而黃明則吉小星明與大星


等則后宮相爭妃妾上僭移徙則國人流動搖就
衆后妃夫人死喪御女去太星遠則女使有賊心
迫近太明有賞賜東西角張而振則后族敗消小
不見則后妃不安星色變黑則后妃多死者水火
金守之女主惡之一曰五星守犯有逆賊有火災
大稷五星赤主百穀溫溫而明則百穀成歲大豐
不明則五穀不成星不具則歲饑亡不見則大饑
人相食

張

六張梭肚兩頭長

宿

圖



張宿歌

十七度十五度入巳楚分荆州雙女
宮鵝尾之次穀雨昏中立冬日中

六星似軫近星傍張下只是有天廟十四之星冊
四方長垣少微雖向下星數故在太微傍太尊一
星直上黃

張宿六星赤主珍寶金玉宗廟所用之物天子內
宮衣服遠方貢物之庫又主天廚飲食賞賚之事
甘氏云太廟明堂御史之位為朱雀之喙兩翼外
張以匡帝宮也明大則人主昌天下治民物阜五
禮修暗小不明則五禮失天子多疾病移徙天下

有逆人就聚則兵起金火守之兵起日蝕失禮月蝕木澇魚行人道土水犯國不寧亭犯兵起天廟十四星黑天子之祖廟也均明則吉青黑憂在官中微暗有白衣會金火守之宗廟有殃

六星則... 天廟十四星... 在官中微暗...

翼 張翼軫北近太微垣

宿




圖 二十二翼如飛勢上五下五 層中九氣

卷之二十一

二十七

彙宿歌

十九度已楚分荆州雙女官鶉尾之次立夏昏中小雲日中

二十二星大難識上五下五橫着行中心六個恰如張更有六星在何處二三相連張畔附必若不

能分處所更請向前看野取五個黑星翼下頭欲知名字是東甌

翼宿二十二星赤為天子之樂府主徘徊嬉樂文物聲名之所主三公化道文籍及蠻夷遠客負海之資北上十有三度為日月五星之中道明大則君明臣賢禮樂興四夷來賓星暗太小失序則帝

王失禮王道衰微移徙則三公廢日蝕大臣僭月蝕正言者殃忠臣誅月暈太風旱女王惡之五星客孛流星犯之大凶翼芒動則王者用兵征伐四方


東甌五星黑土南越蠻夷之星也動則蠻夷有使來角張則蠻夷叛金火守之兵起

軫

四軫如口附三星

宿

圖



軫宿歌

十八度十度入辰鄭分兖州天稱
宮壽星之次小滿昏中太雪旦中

四星似張翼相近中央一個長沙子左轄右轄附
 兩星軍門兩黃近翼是門下四個土司空門東七
 烏青丘子青丘之下名器府器府之星三十二以
 上便是太微宮黃道向上看取是

軫宿四星赤主車騎任載盜賊戰伐喪事輶輶之
 事亦主風雨死喪四星為天之四輔冢宰輔臣主
 察殃咎之凶災水星也北上三尺為日月五星之
 中道其星明大則天下昌萬民康四海歸王一云

武備志卷三十五

三

明大則車騎用甘氏云凡軍之出入皆占於軫也
動則車駕用離徙天子憂就聚兵大起五星犯守
並凶月宿軫風起月暈軫戎夷滿野庫無留兵廐
無繫馬日月蝕貴臣死

左轄右轄各一星赤其左轄主同姓諸侯右轄主
異姓諸侯一曰北星曰轄南星曰膏皆去軫七寸
甘氏云轄去軫五寸膏去軫一尺爲常軫中一小
星曰長沙爲棺木主壽命轄星欲其近軫去軫近
則上下和睦遠則君臣相疑七寸以下爲近一尺

以上爲遠轄欲小而明不欲大而明若小而明則
國祚安大而明與四星等則兵大起微暗則諸侯
有憂星亡則天下傾轄進退則車騎發復其所則
車騎罷有兵在外而轄遠軫兵亦罷轄舉則南蠻
內侵動搖則兵車動長沙子小而明主壽昌微暗
則國有憂明而與四星等臣下謀逆星亡不見則
人主惡之

土司空四星黃在軍門南主土土又主邊城地界
正彊理辨風土均職貴來遠人均明則天下太平

暗小則德政不修遠人離叛金火犯守男不得耕
女不得織兵起

青丘子七星黑主正東方三韓之國

軍門二星黃天子六軍之門主營候占移其處則
軍道不通

武備志卷一百五十六

武備志卷一百五十七

防風茅元儀輯

占度載

占十

占星四

星變

金

木

水

火

土

歲

熒惑

填

大白

辰

凡五星木近日則遲遠日則疾火近日則疾遠日則遲土平行無大遲疾金水附日而行此大槩也

凡五星東行為順西行為逆超舍而前為盈退舍而後為縮又云失次上至三宿曰盈躁急之象也失次而下二三宿為縮畏退之象也光而明滅不定曰動不安之象也光明出生鋒曰芒芒長四出曰角長而偏出曰彗芒謂之正旗正旗所指者受殃戰則順旗所指者勝

凡五星同度相及者曰合又曰相去一尺內曰合一曰同舍曰合同宿曰聚亦謂之會一曰光芒相逮曰會末當去而去曰出未當來而來曰入一曰

正倫志卷之三
行而造其中曰入宿而緩曰舍一曰所居曰舍
入此宿曰宿一曰留二十日以上曰宿處其所曰
居一曰依度至而不去曰居不東不西曰留依其
旁而居曰守一曰居之不去曰守一曰徘徊不去
其度曰守一曰居其宿曰守行而侵之曰犯一曰
經過其星光芒及之曰犯一曰七寸以內光芒相
及曰犯又曰自下往觸之曰犯又曰相去五寸而
光芒不接者輕若相去雖一尺以內而光芒相射
亦以犯占先犯而後留之曰犯守未當入度而經

犯之曰侵東西正當曰中自上而下壓之曰乘自
下而直往曰凌一曰相冒過曰凌又曰突掩爲
凌相冲而指曰觸一曰兩動直前相抵曰觸一曰
行而直前冲之曰觸相凌曰鬪一曰合而復離曰
鬪一曰相擊曰鬪東入西出曰貫相通切曰磨周
之一匝曰環環之曰周曰繞迫而侵之曰薄又曰
相值相通曰薄勾者左去右回右去左回如勾字
之狀已者往而復還如已字之形一曰去而復回
爲勾繞之而去爲已一曰東西爲勾南北爲已一

儀精考卷之三

七

日形如勾曰勾如巳曰巳刺者過其旁而光刺射之也掩者當其所而滅其光也食者侵其邊而漸及其其中如蠶食葉之狀一曰星月相凌不見者則所食也吞者從上直下掩之也戴者頂之於上也星食月者星襲月中月食星者月至星沒也同光者一體相合不辯其孰爲彼而孰爲此也經天者明旦出於地木火土陽星不忌金水陰星經天則爲妖也晝見者白日出見與日爭光者也李淳風曰聚者自三星以上爲聚聚者積會之象福聚則

吉刑聚則凶先至則吉後至則凶從者經歷次第相及於一也次第從就之象離者雖同宿共度而南北乖隔不和之象也徙者雖同在宿分不相倚待起行移去相避之象也舍者經其宿而行遲也宿者經其宿而過徑去不遲也侵者越理而進以大迫小自上適下漸至損害也凌者以小迫大直往凌之也抵者一動一靜而直至其所也歷者以次相及而過也經者由其中過而無所犯也貫者直經其中過也兵出入之象角者長大於芒與兵

誅伐之象也大者大於本體興建開拓之象小者
小於本體亾滅衰敗之象逆者違逆之象和者和
順之象遲者徐緩之象疾者急迫之象舍者二星
相遇同處一宿之中_{和則吉逆而刑凶}一逆一順
一遲一速相會於一宿之中為會德會則福興刑
會則禍作_{留者久居其宿作與勃亂之象中者中}
傷之象掩食主并吞滅亾之象乘凌主協迫暴橫
之象戴者主有所立也自上墜下曰隕兵亂旱饑
自下而上曰升君以災憂橫飛而去曰矢兵災益

甚兩星從行曰同舍奸邪謀逆大而去速曰奔災
禍急速相去七寸以裏曰合五寸以裏曰犯奸謀
作逆兩星相抵曰凌君危民災兩星相觸曰聞兵
起血戰從行相及_{隔而復圓曰襲陰謀暗害當去}
復止曰守禍大災深當去復還曰留禍亂不息當
去反行曰逆禍難最凶周匝不離曰環繞禍害連
綿東西相繞曰勾南北相勾曰巳狀如乙巳字樣
乙巳周蔽其星不見曰掩如太陽掩星之類並主
奸邪叛逆

一曰星晝見若星與日並出名曰嫁女星與日爭光武且弱文且強女子爲王在邑爲喪在野爲兵二曰恒星不見恒星者在位人君之類不見者象諸侯之背畔不佐王者奉順法度無君之象也三曰星闐星闐天下大亂四曰星搖星搖人衆將勞五曰星墮大星墮下陽失其位災害之萌也又曰衆星墜人失其所也又曰當其下有戰場天下亂期二年又曰奔星之所墜其下有兵又曰星墮如雨天子微諸侯力政國有兵凶則星墜爲鳥獸天

下將凶則星墜爲飛蟲天下大兵則星墜爲金鐵天下大水則星墜爲土國主凶有兵則星墜爲草木兵起國亂凶則星墜爲沙星墜爲人而言者善惡如其言又曰國有大喪則星墜爲龍

凡五星守犯列宿皆爲凶咎若逆行或環繞勾巳之其禍尤大

凡五星有變則其精散爲妖星

凡五星見伏雷行逆順遲速應歷度者爲得其行政合於常違歷錯度而失路盈縮者爲亂行亂行

則為天矢彗孛而有凶國革政兵饑喪亂之禍云
五星為五德之主其行或入黃道裏或出黃道表
猶月行出入有陰陽也終出入五常不可以筭數
求也其東行曰順西行曰逆逆則遲通而率之終
為東行矣不東不西曰留與日相近而不見曰伏
伏與日同度曰合其留行逆順掩合犯陵變色芒
角凡其所主皆以時政五常五官五事之得失而
見其變

水火土三星行遲夜半經天其初皆與日合度而

後順行漸遲追日不及晨見東方行去日稍遠朝
近中則留留經日過中則逆行逆行至夕時近中
則又留留而又順先遲漸速以至於夕伏西方乃
更與日合金水二星行速而不經天自始與日合
之後行速而先日夕見西方去日前稍遠夕時欲
近南方則漸遲遲極則留留而近日則逆行而合
日在於日後晨見東方逆極則留留而後遲遲極
去日稍遠旦時欲近南方則速行以追日晨伏於
東方復與日合此五星合見遲速逆順留行之大

經也昏且者陰陽之太分也南方者太陽之位天地之大經也七曜行至陽位當天之經則虧與雷逆而不居焉此天之常道也三星經天二星不經天三天兩地之道也
凡五星所出所行所直之辰其國爲得位得位者歲星以德熒惑以禮填星有福太白兵強辰星陰陽和所行所直之辰順其色而有角者勝其色害者敗居實有德也居虛無德也色勝位行勝色行得盡勝之

古歷五星之推以逆行者至甘氏石氏經以熒惑太白爲有逆行夫歷者正行也古人有言曰天下太平五星循度以有逆行日不食朔月不食望熒惑主內亂太白血主刑內臣不治四夷不服兵革不寢刑罰不錯故二星與月爲之失度三變常見及有亂臣賊子伏尸流血之兵大變乃出甘石氏見其常然因以爲紀皆非正行也
凡五星爲政歲緩則不行急則過分逆則占熒惑緩則不入急則不出違道則占填緩則不還急則

過舍逆則占太白緩則不出急則不入逆則占辰
緩則不出急則不入非時則占五星不失行則年
穀豐昌

凡五星同色天下偃兵百姓安寧歌舞以行不見
災疾五穀蕃昌

凡五星盈縮失位其精降於地爲八歲星降爲貴
臣榮惑降爲童兒歌謠嬉戲填星降爲老人婦女
太白降爲壯夫處於林麓辰星降爲婦人吉凶之
應隨其象吉

營室爲清廟歲星廟也心爲明堂榮惑廟也南斗
爲文太室填星廟也亢爲疏廟太白廟也七星爲
員宮辰星廟也五星行至其廟謹候其命

五星分天之中積於東方中國大利積於西方夷
狄用兵者利

凡五星所聚宿其國王天下從歲以義從榮惑以
禮從填以重從太白以兵從辰以法以法者各以
其事以法致天下也三星若合是謂驚立絕行其
國外內有兵與喪民人乏饑改立侯王四星若合

是謂大盤其國兵喪並起君子憂小人流五星若合是謂易行有德受慶改立王者奄有四方子孫蕃昌凶德受罰離其國家滅其宗廟百姓離去被滿四方五星皆大其事亦大皆小其事亦小凡五星早出為贏贏為客晚出為縮縮為主人五星贏縮必有天應見杓

太白猶軍也而榮惑憂也故榮惑從太白軍憂離之軍却出太白之陰有分軍出其陽有偏將之戰當其行太白還之破軍殺將辰星殺伐之氣戰鬪

之象辰星出東方太白出西方若辰星出西方太白出東方為格野雖有兵不戰辰星環繞太白若闔大戰客勝主人更死視其所指以名破軍凡有軍謹候太白辰星出太白出辰星不出太白為客辰星出太白為主人出而與太白不相從野雖有軍不戰辰星出太白不出辰星為客太白出辰星為主人一出不出為主客不備野有軍不戰其出也一東而一西不戰若俱出一方而異宿軍雖相近不戰必合宿乃戰相凌乃有大戰

太白辰星俱出東方不相近二十日至二十日辰星入東方南國有兵不戰至春夏兵起

辰星太白俱出西方不相近二十日至三十日辰星不入西方北國有兵

太白辰星同出東方皆赤而角瀕海之國大敗
太白辰星同出西方皆赤而角中國大敗

辰星隨太白出東方天下無兵兵起期六十日太白出辰星北客勝辰星出太白北主人勝

辰星太白俱出東方色黑外國利中國不利

辰星隨太白出西方天下有兵不戰亦不解辰星居其前兵罷若抵太白環繞之居西北陰國兵起居西南陽國兵起期半年兵在外必戰利客不利主人

太白隨辰星出西方無兵兵起期六月有兵客利相近去可四尺客益利不戰則兵未解辰星入則兵罷

太白出東方辰星居其前不去至十五日若二十日而入陰國兵滅不戰

辰星出西方居太白前不去十五日若二十日而入陽國兵滅去則兵罷

太白出東方若西方辰星居其後二十日兵起辰星居其前十五日兵罷辰星歷太白左小戰歷太白右數萬人戰主人吏死辰星過太白右三尺軍急約戰出太白北小戰主人勝出太白南大戰辰星過太白其間可容劍小戰客勝居太白前三日軍罷出太白左小戰出其右大戰辰星來抵太白不去將死止其上出客勝下出客敗

太白辰星相遇太白避之客強主人畏死太白出辰星右而居其前主人利逐入主人大利辰星迫太白主人強客畏主人辰星出太白右而居其前客利逐去入之主人不利客大利辰星入太白中五日乃出及入而上出破軍殺將客勝下出客敗

太白與辰星合太白居右辰星居左主人勝辰星居右太白居左客勝天下無兵辰星在東方若西方居太白前水中兵

有滅者

太白辰星俱出西方辰星居太白前相近間可容劍在西北陰國有兵謀以戰主人勝在西南陽國有兵謀以戰

太白辰星合在西南南國之事在西北北國之事正南為中國

凡五星至一二星相合聚間火失光為兵喪為旱木失光為主惡之土失光為女主惡之金失光為兵起亦為喪水失光為大水以日占之

五星相聚逆行者其事逆臣奪主國

五星聚而闕天下大戰寇賊並起民庶流離夷狄內主

五星聚惟土星有芒角者所舍之國大凶

凡五星歲與填合則為內亂與辰合則為變謀而更事與熒惑合則為饑為旱與太白合則為白衣之會為水

太白在南歲在北名曰牝牡年穀大熟太白在北歲在南年或有或凶

笑惑與太白合則為喪不可舉事用兵與填合則為憂主孽與辰合則為北軍用兵喪事大敗填與辰合則將有覆軍喪師與太白合為疾為內兵

辰與太白合則為變謀為兵憂

火與水合為萍與金合為鏢不可舉事用兵

土與金合國凶地與木合則國饑與水合為雍沮

不可舉事用兵有覆軍

木火土合在一舍為旱饑有土功一日國分相去

三尺以內守七日以上天下兵起五穀大傷人相

食七寸以內名曰芒交臣弑其君期八十日

火土水合女子為天下害大臣逆

木金土合其國兵起不戰

木土金參會同舍相去三尺兵起大戰相去十寸

以內曰芒交外內構謀弑其君

火土金合天下有大謀

木火金合殺太將天下皆有兵三王鼎足其分國

凶

武備志卷五 占度載 占 占星四

金水土合其國將戰不勝亡地

木火二星合為更政革命其分有兵君憂人愁歲

星熒惑陽也太白辰星陰也陽主中邦陰主外邦

陰與陽合中外連兵陽與陽合兵謀在中國陰與

陰合兵謀在外國又曰相近曰犯其殃大相遠曰

合其殃小

木與火合為饑為旱一曰大臣匿謀有反者主亡

地國有水一曰為內亂臣謀主戰北軍困

木火合相去七寸以下光芒相及臣害君一曰火

木同舍相去三尺以內相守七日以上其國有反

臣五穀傷民不安期其年二尺以內相守七日至

二十日兵起國滅內戚相殘期一百八十日

木火合而相守其國君憂守十日以上穀貴人作

亂火在木北有軍大戰火在木南備將戰客軍憂

木火合於一舍火在木上名曰子母同光其國大

強留之百日不變色失次其國且以重德致人下

木火合於宿之陽母子同鄉其國安合於宿之陰

兵起

木火同行疾兵從之戰不勝

榮惑當出見而近歲星出其北天下有急兵出其

南有匿謀在其中

木火接芒與東方宰相亂人主計不定不出三年

大兵起

木火接芒與西方國有憂明年春失農時

木火合色俱青為疾赤為兵黃早白喪黑饑芒角

接人死殆盡

木火再合有走王再合者東行巳合西行又合也

木土合為內亂為饑為變謀更事人主失勢

木土合其分戰不勝凶地主死

木土合井泉高而平原出雲歲不登有大水又曰

天下易主民流千里魚鱉陸死民苦盜賊其分國

不可戰戰必敗

木土合相守十日則天降禍不義者受其殃

木與土合一舍木在下土在上名曰雌雄間客軍

大敗主人勝六十日不下有空國徙王

木土同舍相去三尺以內相守二十日以土國更

主天下大爭大臣相仇天子易統天下存亡者半
木土合有兵相守土在木下利客土在木上利爲
主人

木土同出其宿國以地同入其宿國得地

木土皆出東方夕入西方百九十日皆正中者兵
發東方之國勝當入不入反東行九十日正中者
當發兵主死民流凶

木金合爲水爲饑爲疫光芒相接有兵戰殺太
將無兵亂起或曰有軍則先起者勝金在木南以

兵饑金在木北以水饑皆有凶國

木金同光大戰殺將不同光兵起不戰

金木同在舍其年有蝗蟲生

木金同舍相去一尺天下有兵不出四十日必戰
星色青東方勝色赤南方勝色黃中央勝色白西
方勝色黑北方勝

木金合相去五尺有兵戰三尺有破軍二尺有拔
城一尺治兵光芒相接大戰無兵在外則兵大起
木金合相去三尺相守七日以上將軍誅死

木金合三尺內七寸以外木出金左有爭出金右年饑

金在南木在北名曰牝牡相承年穀大熟金在北木在南歲困有凶國

木金合於東方木在北金在南陰陽合為年豐木金合於西方木在金位名曰伐其國凶

金木俱出東方若併入西方王者凶地木金相遇有兵兵罷無兵兵起乍東乍西有逐相

太白出歲星北客勝歲星出太白北主人勝

木星隨太白出於西方光怒必戰破軍殺將若環繞之有死主無兵在外則兵起相走

金木一東一西害侯主一南一北兵自伏金木合金從木疾主人急木從金疾客急

木水合為變謀更事其國多水民饑水木合為內亂有軍在外不和先起者若相守七

日至四十日人流亡芒相及則外與內謀其君木水合一曰將死光芒相接天下水泉湧出

火土合國憂主走為內亂為兵一曰太旱一曰女

子為天下害，一曰主憂兵起，又曰其下失地有破國，一曰其國不可舉事，用兵，又曰火土所合宿國饑戰不勝，其入流之計，其入與國

火土合火去而復來環繞之不出六年國亡

火土合土在火上名曰逆其國防外兵土在火下

各不動名曰子母同光其國得地益強若同上下民

有逆心兵起更王，一曰土在火上光芒相接女主

憂

火土合火入土光中將相憂

火金合金在火上所在之國且以義致天下，一曰

金居火上其國用兵三十日不去天下三年起兵

六十日不去其下有空國

金先居火上而復出火下其國有反臣

金在火左右其國必大敗

火在金前後左右成戰客勝

金在火東無兵兵起不出三月

火金合火入金光芒中火在南大旱戰則小將死

火在北為水

火與金合，金從火，有兵，兵罷，火從金，兵大起，火從金而金無光，火赤而光，所入宿，受兵，國亡。火隨金行，七日以上，追及金，相去尺以下，大臣死，其分旱，其國受兵，戰敗亡地。一曰，金火相隨而行，所入宿，國君死人，饑流亡，道上多死人，有亡國。火金合而金起，芒角居火，上其國用兵，戰勝。火入金，出其陰，不有分軍，必有他急。火與水合，有軍在外，不利，先起者。一曰，水水合，大旱，赤地千里，國主走。秋合，有兵，冬合，有喪。

水水合於東方，臣謀主。一曰，水火合於東方，水色白而大兵在外，割地為和，從前國大病，從旁小病。火與水合在他時，為淫，在冬為刑。

水火同行，若不有兵，疾疫流行，火經水，名曰自伐，不可用兵，必有太敗，覆其國家，及其君凶。土與金合為喪，為內兵，國亡，地相守數十日，不去，后有內亂。

土在金南一尺，女主用事，在金北一尺，女主死，若行去宿遠，君不立，后。

金土合金在土南年穀大熟金在土北歲荒蕪
土金同宿金在土上不出二月有兵民流

土金合為水土在金北去之七寸母子同光其歲
大豐

金土合土色青多死喪赤為兵黃為旱

土水合為變謀更事又為旱為陰謀有兵為將戰
其分將軍死敗無兵為內亂

金水合為兵憂為變謀為邊兵戰

金水同出東方東方有兵同出西方西方有兵

金水並出東方利舉兵西伐東軍勝金水並出西
方利舉兵東伐西軍勝金水俱出東方或俱出西
方客主相見有兵必戰無兵兵起

凡歲災惑太白填四星與辰鬪皆為戰兵不在外
皆為內亂

木與金鬪有木兵一日國有內亂野有破軍又曰
無兵兵起有兵兵戰又曰其國旱饑不可舉兵又
曰東狄內侵有易相又曰人流徙有亡國一日兵
在外為亂戰敗一日相為亂有滅諸侯民多死亡

有土功

木金闔於東方有兵在外必戰闔於西方有亡國
死王又曰其年八月兵起流血

木火合闔殺太將

木與土闔不出其年王者亡地將軍死之一曰其
國无起兵者敗一曰天下哭泣相望期六十日又
曰有易相又曰星色青爲喪赤爲旱白爲兵黑爲
水黃爲土功

木與水闔有兵在外則戰無兵爲內亂將死一曰

有亡國不出三年

木與金闔其野有破軍殺將一曰有戰兵不在外
而在內大戰將死歲大饑

金木水闔有太兵

金火春闔其歲旱夏闔內主易秋闔兵大起冬闔
女喪王者憂將軍死

火與水闔國以暴敗一曰女爲天下害又曰火水

闔於東方臣伐主闔於西方官中有亂一曰火水
闔將死其野有太水

火與土鬪其國子弟為亂一日不出其年有凶國
 一曰有叛臣作亂兵起一日王者亡地將軍死之
 一曰其下國有圍邑
 木與金鬪期九十日憂王者亡地一日有兵喪更
 立侯王一日臣謀君兵起
 上與金鬪東方臣伐君鬪西方強國宮中有亂一
 日女主為亂皆期九十日
 金與水鬪其國內亂兵起軍在外者破太將死一
 日先起兵者凶若環繞之太將戰一日不出其年

有改王一日有反臣一日金水鬪其分國大旱一
 日有大戰無兵在外則兵起一日金水相遇而鬪
 辰星不勝燕趙代有憂太白不勝秦有憂不勝者
 其光分散或斂芒失色皆為不勝
 土與木鬪軍在外則戰有死將無軍為亂兵起一
 日水土鬪關梁不通
 歲星犯熒惑為旱為饑有兵大戰
 歲星觸熒惑其國亂
 歲星食熒惑不出三年國亡

歲星守填星大臣相滅天下交爭一曰有兵戰主人吏死其國大穰一曰本土交行必有破傷

歲星與填星守其地有王者興除舊布新

歲星犯太白有兵大戰一曰相死大臣黜女主喪

一曰其分草再生將軍誅無將軍則不出四十日

有拜將

歲星乘太白有戰偏將死

歲星觸太白四夷來侵

歲星守太白蠻夷叛四序不順陰陽爽和

歲星犯辰星有兵太子憂一曰民多病洩

歲星掩辰星有兵戰客將死滅之殺太將貫之薄

之殺偏將觸之主人病

歲星守辰星主憂有賊水退國不安水退賊敗

榮惑犯歲星冊太子有赦一曰有兵戰一曰大臣

有匿謀一曰蟄蟲冬出雷早行禾不成一曰有戰

火在木北天下急出其南有謀在中一曰奸臣為

謀殺太將

熒惑守歲星太子憂一曰大赦守後火入二度其

國大敗退三度賊敗火貫木殺小將
榮感犯填星兵起大戰一日女主當之或曰火犯
土土在下火在上其國吉土在上火在下大臣憂
一日火犯土為旱
榮感觸填星有兵主病火入土將軍為亂
榮感守填星旱兵起一日殺太子有內賊王者亡
城守後火入三度國不安退三度則無咎
榮感犯太白主凶天下憂兵起大戰金在西南南國
敗在北北國敗

榮感乘太白兵雖起不用其國且以武致天下
榮感觸太白有暴賊
榮感經太白軍憂離之軍却
榮感從太白下上抵之不入軍急不戰
榮感出太白陰有分軍出其陽有偏將戰主人軍
敗若環繞太白偏將死
榮感入太白中上出破軍殺將客勝出太白左右
軍勝
榮感入太白將戮入久不出國亂主憂

榮惑環太白成勾已大將死

榮惑抵太白不入亦不出客將死

榮惑摩太白而過有數萬人戰有破軍主人將死

榮惑薄太白主人不利亡偏將

榮惑襲太白兵起相易一日軍亡

榮惑犯太白主不安守其北太子憂守其南庶子

憂守後入三度國大敗退三度灾消一日火金相

守流血滿野

榮惑犯辰星其國不可舉事用兵一日野有兵不

戰一日兵在外者敗

榮惑觸辰星有異姓者王

榮惑守辰星太子憂有赦守後入三度大兵聚其

下退之水灾

填星犯歲星内亂一日其野有兵相攻

填星守歲星有兵守後木退歲歉土退年豐有賊

填星犯榮惑太人忌之有一星皆色赤或俱無光

或土在火芒内火在土芒内皆為其國太人死旱

潦灾物不成

填星犯太白為兵一曰大水草木死

填星犯辰星為旱為變謀更事一曰將有危一曰

上犯水冬雷虹出來年夏寒隕霜雨雹

太白犯歲星王者有賊一曰為饑期三年一曰兵

起為旱一曰草木再生再死一曰金出木北客利

木出金北主人利

太白犯歲星環繞之若井光有兵戰敗軍殺將一

曰太白環繞歲星有亡主

太白襲歲星君敗死

太白犯熒惑主病有兵大戰客敗太白在南南國

敗在北北國敗東西亦如之

太白乘熒惑客軍敗隨之軍憂

太白觸熒惑內有賊臣

太白守熒惑太子憂其間容指血流滿野若八退

殺太子金退賊動

太白貫熒惑主人亡偏將死

熒惑方行太白環之有破軍殺將

太白犯填星太子不安國有咎一曰五穀不熟國

饑人流

太白觸填星主憂一曰人主放恣大臣相殘賊兵起

太白守填星太白在鎮北天子失地守後太白退臣憂填退主憂有賊

太白犯辰星國不安兵起一曰金水相犯西方有大東方大虛殃及匹夫

太白觸辰星殺宰相

太白守辰星國憂辰星先退有異姓者王

太白來守辰星旬日不去客將死

辰星犯歲星其國外野不安

辰星守歲星天非時降霜

辰星犯熒惑上妨太子下妨太尉司馬

辰星觸熒惑太子不安若離而復合大水漂山人

主哭於官

辰星守熒惑天下多死喪疾疫兵起

辰星犯填星夏寒妨女主一曰春多雨水

辰星守填星夏霜盡春多雨

占受獻

辰星守太白為變謀為兵憂守之旬日不去主人兵不利將死

辰星犯太白兵起大戰破軍殺將辰星在上客勝在下主人勝

辰星守太白為變謀為兵憂守之旬日不去主人兵不利將死

武備志卷一百五十七

